

## Karalēskuojs lēlēs

Žemaitējs Žemaitējs  
To balčiasiuojs lēlēs,  
Kēik umžiu žīdiejsi,  
Kēik umžiu kintiejusi...  
Žemaitējs Žemaitējs,  
To kāp švēnta Kalvarējs,  
Nenustuojusi mīlietē,  
Nepaliuovusi tikietē.  
Mērtēis upiemis išplaukus,  
Šētēik laukus ēr solaukus.  
Kēik pagimdiusi, apverkus,  
Bodont akiū nesumerkus...  
Žemaitējs, Žemaitējs,  
To kāp krovēna lēlēs.  
Rasuoms – ašaras blizgiejs...  
Nutautiejē mūsa puonā,  
Nu savas kalbuos atgoda,  
Geriau – lēnkā, geriau goda  
Vēsa Lietova pražoda.  
Sava papruotius ēr liaudi  
Trīpē, niekēna ēr spjaudē.  
Diekou priešams neviduonams,  
Tēik kilmingās pasidarē...  
Žemaitējs, Žemaitējs  
To kāp retis kalavējs.

P.S.

Kokēi būs naujējs puonā?  
Pakolkas tik vēinē muonā  
Mūsa guodas tēms – nebrongēs,  
Patis kelas i padongēs,  
Kad tik tortā, kad tik kraitā  
Lietovelē, to našlaitē.